

ծեռնհաս. քանզի ամրութիւն վերնոյն շուրջ զնովաւ պարսպեալ պահեր զնա: 2 Բայց Մամիկոնեանն Վահան զամենայն աւր ոչ տայր դուլ առնուլ զաւրաւք իւրովք Պարսկաց¹ ի դակշին. այլ զցայգ ամենայն² նետաձիգ լինելով ի ներքս՝ էր զոր ինքեանց Յայոց խոցոտեալ³ նետիւ⁴ սպանանէին, եւ էր զոր ինքեանք Պարսիկքն զինքեանս ի վերայ միմեանց կուտակելով հեղձամաղձուկս առնէին: 3 Եւ երթեալ զաւրավարն Յայոց Վահան Մամիկոնեանն հանդերձ արամբքն որ ընդ նմա էին՝ բանակեր ի գիւղ⁵ մի մերձ, որ էր ընդ իշխանութեամբն Մամիկոնեից, որում անուն էր Ծաղիկ. կամեցեալ անցանել ի կողմն սահմանակցութեանն Յաշտենից, յաղագս գտանելոյ ի նոցանէ աւգնութիւն:

4 Ազդ եղել Շապիոյ զաւրավարին Պարսից, եթէ ահաւասիկ Մամիկոնեանն Վահան բանակեալ է ի գիւղ մի, եւ արք են ընդ նմա թուով յոյժ սակաւք: 5 Եւ կանխեալ վաղագոյն ընդ առաւաւտն զաւրագլուխն Պարսից Շապուհ, ամենայն բազմութեամբն որ ընդ նմա՝ յանկարծակի ի վերայ ելաներ զնոյն Յայոց: 6 Եւ գունդն Յայոց իբրեւ հանապազագոյշս, վասն ցանգ⁶ անծոյլս յարիւնելոյ զնոսա զաւրավարին⁷ Յայոց Վահանայ Մամիկոնենի, լինելով պատրաստք՝ զնային ի տեղոյն անվնասք. սակայն գունդք զաւրացն Պարսից ոչ ինչ փոյթ առնէին այլոցն, զկնի զաւրավարին Յայոց Վահանայ անցանէին. քանզի ասէին. «Թէ նմա միայն գտանեմք հնարս՝ ամենայն իրք մեր վճարեալ են եւ յանգ⁸»: 7 Եւ զաւրավարն Յայոց Վահան Մամիկոնեան երթայր ընդ կողմն արեւելից ծովուն Կարնոյ, եւ գունդք զաւրաւորացն Պարսից զկնի նորա երթային անհասութեամբ: 8 Եւ Մուշեղ ի տոհմէն Մամիկոնեից⁹ եւ Ներսէհ Կամսարական տէրն Շիրակայ, ընդ կողմանն հիւսիսոյ¹⁰ ծովուն, վրիպեալք առ փոյթ ժամուն ի զաւրավարէն Յայոց Վահանայ Մամիկոնենէ¹¹, սակաւ արամբք երթային խռովեալք. եւ մերձեալք ի գիւղ մի Կարնոյ, որում անուն էր Արծաթի, եւ հասեալք ի հեղեղատ մի որ մերձ էր ի գիւղ մի, եւ կամեցեալք յեզեր հեղեղատին առ վայր մի հանգչել, ուր եւ հնձողքն արտորայոցն շուրջ զտեղաւքն գործէին: 9 Եւ իբրեւ գիտացին Պար-

1 Ձ. ի պարսկաց

2 ՏՏ. զամենայն

3 Ձ. զորոց ինքեանց հայոց խոցոտել

4 ՏՏ. չիք նետիւ

5 Ձ. այստեղ եւ յետոյ՝ ի գետը

6 Ձ. վասն զցանգ

7 Ձ. զօրավարն

8 Ձ. հանգ առանց վերջակէտի, բայց լուսանցքում նոր գլխի նշանով՝ «

9 Ձ. մամիկոնենից

10 Ձ. հիւսիսոյ

11 Ձ. մամիկոնենի